

四庫全書


史部

欽定四庫全書

明集禮卷四十四


儀仗

黃麾




通典曰黃帝振兵設五旗五麾則黃麾製自有熊
始也漢鹵簿有前後黃麾開元禮義纂唐太宗法
夏后之前制取中方之正色故制大麾色黃宋制
以絳帛為之如旛錯綵成黃麾篆字下繡交龍及
雲日朱漆竿金龍首上垂朱絲小盖四角垂佩末
有橫板作碾玉文元制同今制亦同宋但盖用朱
綠黃麾字楷書用金下二龍塗金為之

絳引幡




按釋名曰旒旒也其貌旒旒然也唐宋鹵簿並施
於黃麾仗宋制朱漆竿金龍首朱綠蓋四角每角
垂佩繫五色間暈髦末垂橫板作碾玉文元制四
角朱綠蓋每角垂羅文雜佩繫于金銅鈎竿竿以
朱飾懸五色間暈羅下有碾玉橫板今制與宋同

告止幡




按開寶通禮義纂曰唱止旂所以從行也以為行
止之節宋制緋帛錯采為告止字承以雙鳳下有
橫玉板作碾玉文上有朱綠蓋四角每角垂羅文
佩繫于金銅龍頭鈎朱漆竿元制用紅羅銷金升
龍錯采為告止字今制與宋同

傳教旛




按開元禮義鑑曰傳教旛信旛皆取飛騰輕疾之
義開元禮義羅曰若行幸征討軍機有速教令之
所不及但相去三隊置旛以傳教謂之傳教旛宋
制如告止旛錯彩為傳教字承以雙白虎元制用
白羅繪雲龍今制與宋同但下繪金雙龍

信幡




按崔豹古今注曰信旛古之徽號也題表官號以
為符信宋書曰孝武詔信旛非省臺官悉用絳古
今注又曰信旛用鳥書取飛動輕疾一曰以鴻鴈
燕乙有去來之信舊用頴字宋景祐五年改制麾
旛易以小篆錯采為信旛字承以雙龍餘同傳教
旛元制下繪雙鳳今制與宋同但下繪金雙龍

豹尾



按崔豹古今注曰豹尾車周制也以象君子豹變
尾言謙也古者軍正建之又漢輿服志曰屬車最
後一車垂豹尾今置于竿亦其遺制元制竿如戟
繫豹尾今制朱漆竿金龍首垂豹尾

龍頭竿繡毼




按字書曰氅鶩鳥毛也宋書曰孝武詔王侯梁駉
不得用孔雀白氅梁有赤氅隋大業二年上幸臨
江宮時羽儀新成霜戈花氅輝翳雲日初造之時
毛氅多出江南為之畧盡又唐制左右衛驍衛皆
建黃氅武衛建鶩毛四色氅威衛建青氅黑氅領
軍建赤氅又禮令黃麾仗長戟大六色氅大稍孔
雀氅短戟大六色鶩毛氅小稍小五色鶩毛氅戈
雞毛氅宋建隆中郊祀及開寶定禮皆依此制天

聖鹵簿有龍頭竿繡氅其制青氅繡孔雀用五角
蓋緋氅繡鳳用六角蓋皂氅繡鸞亦用六角蓋白
氅亦繡鸞用四角蓋黃氅繡雞亦用四角蓋每角
綴珠佩一帶末有金銅鈴元儀仗解但有繡氅不
知其色今制竿如戟鈎下有小橫木刻龍頭垂紅
五角蓋下綴紫綠銷金裙腰連綴青氅帶五各繡
一鳳末垂金銅鈴每角仍垂珠佩

欽定四庫全書


卷四十四

羽葆幢




按釋名曰幢童也其貌童童然也鄭康成注周禮
夏采職云綏以旄牛尾為之綴於幢上所謂注旄
於幢上節幢麾制皆相類唯以層數別之至晉始
有羽葆幢宋制如節而五層紫綾袋籠之今制朱
漆竿金龍首垂綠蓋紅釐牛毛五層上戴白羽

戟
髦




按釋名曰戟格也旁有枝格也方言曰戟楚謂之
鉞音几戟而無刃秦晉之間謂之鉞說文曰戟有
枝兵也崔豹古今注曰父戟之遺象以木為之後
世謂之檠戟宋制以木為之在車輪外赤質畫雲
氣上綴飛掌垂五色帶帶末有銅鈴景祐五年重
制定長一大六尺元制以木有枝塗以黃金竿以
朱漆今為戟枝以黃金塗之朱竿餘同宋制

戈斨




按釋名曰戈勾了戟也戈過也所刺所決過之所
勾引制之不得過也今制為戈刃以黃金塗之朱
竿畫雲氣上綴五色璠帶末俱綴金銅鈴

儀鎗
斃



按宋開寶通禮義纂曰鋹鉞屬也秦以鐵作鋹謂之儀鋹唐用為儀仗宋制如斧刻木為之謂之儀鋹五色旛塗刃以青柄以朱畫雲氣上綴小錦旛五色帶帶垂金銅鈴元制同今制同宋

黃蓋



欽定四庫全書


明集禮
卷之四

十三

按漢乘輿黃屋左纛黃屋者車蓋也後世因為黃
蓋乃其遺制也元制黃繖上加金浮屠今制紅漆
直柄圓繖黃羅為表銷金作飛龍形黃絹裏上施


金葫蘆

大繖




按開元禮義鑑曰風俗通云繖者大盖也又漢書
上官桀為羽林郎從武帝上甘泉宮會天大風車
不得行因解盖以授之宋制大繖赤質紫表平頂
而圓上繡金飛龍瑞草朱裏紅漆藤纏直柄今制與
宋同但加金浮屠

華蓋




按崔豹古今注曰華蓋黃帝所作黃帝與蚩尤戰
於涿鹿常有五色雲氣金枝玉葉止於帝上成花
藹之象因作華蓋又晉天文志曰大帝上九星曰
華蓋所以覆蔽大帝之座蓋下九星曰杠蓋其柄
也世有華蓋義亦取此宋制赤質圓頂隆起上繡
花龍藤纏朱漆直柄元制與宋同但上施金浮屠
今制亦與宋同上加雲氣花藹金浮屠

曲蓋




按崔豹古今注曰曲蓋太公所作武王伐商大風折蓋太公因折蓋之形而制曲蓋漢乘輿用四宋制赤質紅裏平頂而圓如華蓋差小而曲柄上繡瑞草元制與宋同但上加金浮屠今制同宋

紫方纛




按通俗文曰張帛避雨謂之緞宋制赤質正方四
角有銅螭頭紫羅表紅絹裏黑漆藤纏直柄平頂
元制如大緞而表用紫羅今制同宋上加金浮屠

紅方纛




宋制如紫方織而赤質朱漆藤纏直柄平頂四方
紅羅表紅絹裏無飾元制如大織而表用緋羅今
制同宋上加金浮屠

雉扇



按雀豹古今注曰雉尾扇起於商世高宗有雉雉之祥服章多用雉羽用制以為王后夫人之服輦車有翬飾即緝羽為扇翬所以遮翳風塵也唐六典曰舊翟尾扇開元初改為繡孔雀以從省宋有大雉扇中雉扇小雉扇三等其制下方上橢圓直柄緋羅心外周繡以雉尾排列為飾中為雙孔雀間施雜花下橫黑漆木連柄用金銅花裝釘元因之今制與宋同

紅團扇




按揚雄方言曰扇自關而東謂之扇自關而西謂之箒世本曰武王作箒西京雜記曰天子夏則設羽扇冬則繒扇舊禮令乘輿有紅畫團扇後以繡文故去畫字宋制赤質繡五色雜花朱漆柄元同宋制今制與宋同

朱雀幢



玄武幢



青龍幢




白虎幢



按開寶通禮義纂曰魏信幢以五方獸為之唐朱雀幢居前青龍幢居左白虎幢居右玄武幢居後承魏制也宋制幢如節用犛牛毛而五層韜以袋繡四神隨方色朱雀幢用緋羅袋籠之上繡朱雀玄武幢用皂羅袋籠之上繡龜蛇青龍幢用青羅袋籠之上繡青龍白虎幢用白羅袋籠之上繡白虎朱漆柄取曲禮行前朱雀而後玄武左青龍而右白虎之義元制四幢各隨方色繡朱雀龍虎

狀於上今制與宋同

扇




欽定四庫全書

明集禮

卷四

按事物紀原崔豹古今注曰舜廣開視聽求賢人以自輔作五明扇黃帝內傳亦有五明扇扇之起以五明而制也陸機扇賦曰昔武王玄覽造扇於前然則今以招涼者用武王所作云故傳有武王扇暘之事宋制團扇黃質上繡盤龍朱柄今制與宋同

斑
劍




欽定四庫全書

明集禮
卷四十四

五


按開元禮義羅曰漢制朝服帶劔晉代之以木謂之斑劔東齊謂之象劔言象於劔也宋會要云斑劔取裝飾斑斕之義劔鞘黃質紫斑文金銅裝紫絲帔鍔元制同今制鞘飾以金龍靶用金花裝釘餘同宋

儀刀




按宋會要云儀刀制同御刀晉宋以來有之黑鞘
金塗花龍飾鞘紫絲緞帔鍔元制同今制與宋同
但綠鞘紅絲帔鍔

鐙杖



按宋天聖鹵簿圖云昔有人因戰鬪弩卷折但持
弩臂擊之獲勝後遂置於禁軍以旌其勇凌準邠
志曰唐李光弼騎將以鎗棒斃僕固瑒卒七人故
製此新圖云鎗杖開寶通禮新增又宋朝會要云
鎗棒黑漆弩柄也金銅為鎗狀飾其末紫絲條繫
之

鐙杖




元制朱漆竿上以金塗馬銙今制為金龍首銜馬
銙貫於朱漆竿首仍以金飾竿末

吾杖



按崔豹古今注曰漢朝執金吾吾棒也以銅為之
黃金塗兩末謂金吾也御史大夫司隸校尉亦得
執焉以其形如車輪輻故又曰車輻棒宋制朱漆
八棱元制朱漆棒金飾兩末今制同

卧瓜



立瓜



按武經云骨朵有二色曰蒺藜曰蒜頭蓋因物製
形以為仗衛之用卧瓜立瓜蓋亦骨朵之流取象
於物者也元制卧瓜立瓜皆製如瓜形塗以黃金
卧瓜則卧置立瓜則立置皆朱漆棒首金制同

鄉節




按宋會要曰天武一百五十人充圍子入內院子
五十人充圍子金集禮曰司圍四十人皆不注其
義今按圍子即響節也元制以金塗攢竹杖首貫
銅錢而以紫絹冒之今制同冒以黃銷金袋

金節




按周禮地官掌職曰凡邦國之使節山國用虎節
土國用人節澤國用龍節皆金也又按釋名曰節
為號令賞罰之節釋名節毛上下相重取象竹節
漢節以竹為之柄長八尺以旄牛尾為其旒三重
宋會要云黑漆竿上施圓盤周綴紅絲拂八層黃
繡龍袋籠之元制如麾八層韜以黃羅雲龍代衣
今制與宋同

骨朵




按宋祁筆記曰國朝有骨朵子直衛士親近者予
嘗脩日歷曾究其義關中人謂腹之大者為胛胛
俗因謂杖頭大者亦為胛胛後訛為骨朵從平聲胛
胛音孤突武經曰骨朵二色曰蒺藜曰蒜頭以鐵
若木為大首元制以朱漆棒首貫以金塗銅鎗又
有列絲骨朵制如骨朵加紐絲文今制朱漆竿為
柄下用金飾上貫骨朵

交椅椅踏



按交椅漢靈帝時景師所造元以木為椅銀飾之
塗以黃金今制木胎渾金飾之中倚為釵花雲龍
餘皆金釘裝釘上陳緋綠織金褥四角各垂紅絲
縵結帔踏踏制四方中為釵花盤龍餘用金釘裝
釘

鳴鞭



按周禮條狼氏掌執鞭以趨辟王出入則夾道又
朝士掌帥其屬以鞭呼趨且辟禁慢期錯立族談
者晉中朝大駕有執鳴鞭之制歷代因之宋以紅
絲為鞭元制鞭以綠為柄梅紅絲為之梢用黃茸
而漬以蠟今制以黃絲為鞭梢漬以蠟

拂子




按晉王衍執玉麈尾與手同色拂子者麈尾之類也王導麈尾銘所謂拂穢靜暑益其用也又張敞晉東宮舊事曰太子有白眊拂二宋宮中導從有執紅絲拂二人而不言其制元以紅羆牛尾為之金塗木柄今制以紅絲拂為心上以素羆牛尾籠之銜以金龍首以木為柄畫以金龍紋柄末紫絲結帔鍔

唾壺




唾盂



按漢武之世孔安國為侍中以其儒者特聽掌御
唾壺朝士榮之魏武上雜物疏曰御雜物用有純
金唾壺一枚漆圓油唾壺四枚交州雜記事曰太
康四年臨邑王范熊獻紫水精唾壺一口青白水
精唾壺各二口宋宮中導從有紫衣執金唾壺一
人而不言其制元唾壺唾盂皆以銀為之有蓋塗
以金今制皆以黃金為之壺小口巨腹蓋大如腹
孟圓形如缶蓋僅掩口下有盤俱為龍紋

水盆




水盆古之洗也儀禮曰設洗於阼階東南三禮圖
曰洗高三尺口徑尺五寸天子黃金飾元以黃金
塗銀為之今制純用黃金寬緣平底列瓣俗謂芙蓉
樣者緣底俱釵花為飾

水罐



按張敞晉東宮舊事曰太子初拜有塗金銀澡罐
一并青絲三合繩長二尺五寸宋宮中導從有紫
衣執金罐器一人而不言其制元有水瓶而無水
罐今制以黃金為之有蓋有提小口巨腹通用釵
花為飾

香合



按韻會曰合子盛物器名漢劉向有合賦宋元嘉
起居注曰阜朗有金縷合二枚銀縷合二枚宋宮
中導從有捧龍腦合二人元制以銀為合徑七寸
塗黃金釵雲龍於上今制以黃金為圓合蓋釵以
龍紋底周圍釵花為蓮瓣

香爐



按西京雜記曰長安巧工丁緩者作卧褥香爐本
出防風其法後絕至緩更為之為機環轉運而爐
體常平事物紀原云即今香毬是也宋宮中導從
有女冠二人執香爐香盤元制以銀為座上插蓮
花爐爐上罩以圓毬鏤網縕旋轉文于上黃金塗
之今制以黃金為圓爐大口細頸巨腹三足飾以
釵花有蓋為蹲龍形二飛鳳為耳附兩旁

明集禮卷四十四